

欽定剿平三省邪匪方略

正編

八

四

卷之五

五

五

五

欽定剿平三省邪匪方略正編卷一百八十六

庚申年

六月十八日

己巳

上命軍機大臣傳諭額勒登保德楞泰明亮陝甘四
川湖北各督撫曰剿辦教匪迄今已及五年之久
輾轉稽延尙未辦竣節經降旨令統兵大員等務
於今歲秋冬之交剋期蕝事本日已屆立秋轉瞬
卽交冬令尤不可再有延緩川陝楚三省教匪多

留一日百姓卽多被害一日蓋官兵剿賊偶遇軍
糧缺乏不能不忍受饑餓若教匪一經乏食勢必
肆行焚掠殘燬村莊而生靈之受其荼毒者不可
勝計朕仰荷

上天恩眷躬承

皇考付託之重子愛黎元惟恐一夫失所卽如秋審朝
審及人命重案無不詳慎推勘心存矜恤其有一

綫可原者卽加寬宥不忍屈抑一人何況以無罪
赤子任賊摧殘且各處被賊戕害者固屬良民卽
官兵臨陣剿殺者亦多係被賊裹脅百姓每一念
及爲之盡傷並以軍務自元年至今五載不能早
竣時深愧恨幾至寢食俱廢帶兵大員及封疆大
吏皆當各發天良無分滿漢文武同心辦賊自能
預操勝算各股教匪惟以分路奔竄疲我兵力日

久竟成流賊行徑治兵譬猶治水設遇奔流漫溢

自應預築隄防方可遏其衝決況辦賊之事無出

剿堵二端然必先堵其去路始可乘勢殲除近日

帶兵大員尙知奮勉剿殺而前無攔截地方鄉勇

不能得力仍在賊四散奔逃卽如楊開甲一股雖

經額勒登保將首逆殲斃其餘匪黨仍俱分竄勢

必復行裹脅又與未經剿殺何異從前如湖北省

擒獲張正謨聶傑人覃加耀等皆係先行圍困始
克奏功可見剿辦賊匪究以實力嚴堵爲重今以
川陝楚三省情形而論川省民人往往團練築堡
自爲保聚並幫同官兵禦賊有爭獻米肉者而一
聞賊匪信息卽就近報明州縣州縣等亦卽轉稟
督撫及帶兵大員似此聲息相通自能屢有克捷
其次則楚省所辦亦尙認真惟陝省南山一帶則

任賊往來官民皆不過問卽賊蹤竄近亦無地方

官預行稟報互爲堵禦之事雖陝省地方不及四

川之殷實然民人等卽自爲身家計亦應築堡聚

守共相抵禦何得視同膜外且節次降旨令長麟

台布等於南山出入隘口及險要處所酌量開挖

溝壕創斷道路至今未據奏及該督撫俱係責成

防堵之人此等事有何難辦而因循若此又長麟

於初到陝省時於築堡團勇事宜曾經具奏數月
以來並未將如何籌辦之處詳悉陳明可見該督
前奏不過意圖見長並未認真辦理設果有難辦

之處亦何妨據實直陳乃於防禦事宜全無布置
試思賊匪分合原無一定然山川險要自有一定
伊等總不能據險扼要以致屢失事機又何怪賊
匪之日形散漫剿辦迄無成效耶現在該省惟西

同鳳三府未被賊擾地方完善該督撫等尤當督飭所屬扼要嚴防無使賊匪一名闖入卽如川西一帶被賊渡江竄擾後經德楞泰奮擊剿殺始能將賊匪攔回地方安堵若西同鳳等處爲陝省菁華之地設有疎防致完善處所復遭蹂躪則惟長麟台布是問總之剿堵同爲一事剿必兼堵堵正所以爲剿各路帶兵大員及該督撫等自其祖父

世受國恩而伊等又身受

皇考及朕委任深恩具有天良寧可不併力同心互相
策勵剿者則竭力奮擊堵者則迎頭截殺並激勸
官民協同守助以期衆志成城如有防堵不力之
地方文武各員當大破顏面其職分較大者叅奏
辦理職分較小者卽一面奏聞一面拿究務使兵
氣奮揚人思用命於秋冬之交將各股賊匪一律

廓清同膺懋賞倘再有遷延必將伊等按律治罪
決不再爲寬貸也勉之慎之

臣等謹案古者師興必有誓命蓋以整肅步
伐一軍心而作士氣也我

皇上鈐符在宥自籌辦剿捕以來

綸言稠疊備闡機宜將帥之臣及封疆大吏莫不秉

承

睿謨戰則必克茲以蕨事尙稽時日
軫念瘡痍如傷弗釋

特諭以同心辦賊

申明剿堵之方又因陝省防禦事宜不若川楚之認

真

慮及西同鳳三府繁庶之區或致被賊竄往蹂躪
勅令飭屬扼要嚴防以期收衆志成城之效仰見

天心仁愛溢於訓辭在閭閻旣感切淪肌卽頑梗亦
皆知革面豈但使披堅執銳者足以振頹式
靡也哉

十九日

庚午

明亮倭什布奏言查楚北青號賊匪

前經

臣

等屢次截剿由荆門逸入西北仙居一

帶祇緣五月二十六七等日至今大雨時行未

免兵行阻滯而逆匪亦未能遠颺現在侍衛富

翰等帶領川陝撥來之林森命官共二百名由

盛京馬隊官兵二百名業已到營臣等當派總兵

孫清元叅將吉林泰帶領兵勇三千餘名協同

馬隊官兵由賊匪奔竄之路緊躡追襲並派廣

西總兵德昌帶領新到粵西兵二千名粵東兵

五百名並將舊有廣西兵五百名一併撥給管

帶由大道抄截前進遏其旁竄平原之路臣等

帶兵勇二千餘名相機策應茲賊匪聞知官兵

雲集不敢復出大道已向南漳丁家集及茨河

穀城一帶分股亡命狂奔各該處均在萬山之

中正可逼歸一處聚而剿洗隨令孫清元德昌

等或分或合不使直前遠竄計日內廣東後起

官兵一千名已抵荆門現在飛催赴營並准額

勒登保知會又添派吉林索倫官兵二百名由

水路來襄並蒙

恩旨飭令豫省撥馬二百匹赴楚協濟臣等酌調荆

州滿營馬匹日來俱已到襄約一二日內均可

齊集臣等當親身率領馳赴前途與孫清元德

昌吉林泰等覓路合圍以期一舉集事再臣倭

什布於五月下旬觸受暑熱因剿賊喫緊力疾
前進日來暑熱未退飲食漸減實有難以支持

之勢臣明亮囑令暫在襄郡就近醫治俟病體

稍愈仍卽趕赴軍營會同剿辦

同日姜晟明亮倭什布奏言臣姜晟由鍾祥來

抵荆門州城適臣明亮倭什布由當陽之天柱

山抄剿賊匪亦至該州彼此會面將現在堵剿

及以後防邊各事宜公同籌酌刻下賊匪屢被

官兵截剿已折入西北劉猴集及南漳白虎頭

一帶卽可攔入深山聚而殲洗現在粵西官兵
已全數到營並酌留粵東官兵一千五百名

盛京馬隊卽日均可趕到楚北止有此股賊匪雖
人數較多而軍營得此生力勁旅剿辦自易得

手惟是川陝股數尙多而鄖陽之竹谿竹山房
縣鄖西四屬以及宜昌之巴東一縣在在均與
川陝毗連邊界綿長幾及三千里萬山重疊路

路可通防守實非易事查楚省官兵前赴川陝
協剿者爲數尙多是以各處邊卡轉留河南山
東等省官兵幫同防守一有賊匪闖入則防邊
之員止能就各邊卡抽撥兵勇剿捕日追日遠
卽不能回顧邊防因而卡隘益形單薄遂致後
股之賊接踵而至無兵遏絕此楚省歷年被賊
竄擾之實在情形較之川陝兩省專派督撫提

鎮分駐防堵其賊股另交經畧叅贊大臣等剿
辦者情事實有不同從前楚省各卡原設官兵
共一萬二千餘名現在各路分防以及抽調隨
征共止八千餘名實缺額四千餘名祇緣從征
日久傷亡事故及遣回原營遂致不符原數
臣
等現在飭令各營全數補足挑送到營以資堵
剿又查防剿兵力不敷添雇鄉勇較之官兵支

項所費倍增因念軍興以來爲時旣久費帑已
多自宜力加撙節斷不可稍涉虛糜前奉

諭旨以軍機大臣會議請於鄖陽府設立道員並將
鄖陽協改爲鄖陽鎮移駐竹山竹谿地方等因
實於控制機宜最爲有裨蓋竹谿邊境路長山
險較鄖西巴東固守尤難若另設一鎮并將弁
多員招募新兵分營操練就近協防則鄉勇可

漸加裁撤以歸節省臣姜晟現擬親身履勘將

添設鎮道事宜逐細妥議酌定章程另容奏請

訓示至湖北派往川陝官兵現在咨詢經畧如能撤

回臣等亦當將河南山東等省官兵令回原營

歸伍其本省各兵內如有疲病之人亦卽遣發

回營另挑補額俾一兵可得一兵之用以免空

糜糧餉至團練義勇自應先就邊界各屬酌量

地方情形廣爲勸練惟是此等小民俱係食力
之人勢不能常川團集致誤生業若概給口糧

又多糜費臣等現飭各該縣於四鄉紳士義民

內分舉首領責令選擇壯丁朝夕訓練每首領

一人承管義勇百人或數十人以數十首領卽

可得義勇數千人如遇賊匪窺伺一呼而集齊

赴邊界協同官兵悉力堵禦以赴邊之日起給

予口糧賊去則令仍安生業其中實在奮勇出力截退賊匪之首領義勇卽據實奏懇

聖恩分別優加鼓勵一面將防禦邊境卽所以保衛鄉里不但可免賊匪擾累並可仰受

聖恩緣由出示張貼愷切激勸使之踴躍急公此外如襄陽宜昌施南安陸荆門各府州并其所屬各州縣凡有城垣險要之區當照竹谿等屬團

勇之法一律辦理至各州縣村落市鎮因無憑

藉一聞賊警輒卽驚逃往往賊未至而先已流

離四散且有地方棍徒恐嚇愚民乘機肆搶皆

所不免是以必須築堡以資保衛小民有堡以

聚處其中每堡各團壯勇設備鎗矛自衛賊至

則奮勇協擊使之無人可裹無物可掠卽屬堅

壁清野之道總之湖北全省情形如鄖宜界邊

各邑誠能設法環衛於外其餘近邊各州縣築

堡守禦於內實爲制賊良法臣等惟有同心協

力諄飭各地方官妥爲激勸志在必行俟其一

律成功確實勘明如能認真迅速將該地方官

未分別奏請

加恩獎勵均奏入

上命軍機大臣傳諭姜晟明亮倭什布日徐添德大

股賊匪早據明亮等奏稱即可逼歸山內聚而殲

洗今已閱二十日而奏到之摺仍係佈置情形並

未打仗得勝且徐添德又向南漳丁家集及茨河

穀城一帶分股狂奔自係明亮等並未實力逼剿

所致若云氣候炎蒸則不獨楚省爲然而額勒登

保在陝連次克捷德楞泰亦於六月初間在南江

痛剿攻撲碉寨各股賊衆並不稍有耽延明亮等

何得以溽暑爲詞予賊以暇任其輾轉奔逃實屬
遲緩明亮倭什希均著傳旨申飭現在賊匪竄至
南漳穀城一帶如係分派防堵文武員弁堵禦不
力所致卽當據實叅奏以示懲儆徐添德係起事
首逆非尋常賊目可比現據明亮等奏賊匪若竄
入陝境山勢險峻不如楚省之山勢散漫剿辦易
於得手等語徐添德本係川省賊匪自行竄入楚

境此時該省兵多賊少易於剿辦或事機湊合得
以就勢殲除俾收事半功倍之效明亮等若能將
徐添德生擒派員解京或臨陣殲斃於驗明首級
後傳示各路軍營俾賊匪見之喪膽則明亮之功
不小若縱令他竄罪亦倍於他人勉之慎之此股
辦竣後明亮本係湖北總兵斷不令其前赴川陝
協剿況該省鄖陽之二竹房縣等屬及宜昌之巴

東均州與川陝毗連道里綿長防堵均關緊要姜
晟倭什布係屬本省督撫有地方應辦事件且又
係文員於軍務本非所長若將延袤數千里之邊
境專交孫清元一人豈能辦理得宜明亮彼時自
應將所統官兵酌量撥赴陝省歸額勒登保調派
明亮仍當在楚將各處要隘堵禦事宜嚴密布置
督率防守切不可楚省賊匪剿竣恐又須前往

他省協剿爲人指使稍存養寇自重之見自取罪戾至倭什布現患暑病著卽在襄陽好爲調理並就近料理地方事務不必隨至軍營又據會奏籌辦堵剿大局情形一摺所稱團勇防禦等事皆係防備他省竄匪而設尙屬善後事宜今該省現有徐添德股匪自當將此股速行辦竣肅清楚境先其所急所有明亮分兵佈置之處尙爲得當惟望

喜音卽至耳又據稱楚省官兵多赴川陝協剿現
已咨詢經畧如能撤回卽將河南山東等省官兵
令回原營一節楚省兵丁轉赴川陝協剿離營日
久恐不免繫念家室自不如調回本省協防之較
爲得力已降旨令額勒登保酌爲對調此項兵丁
回楚後其河南山東等省官兵卽當撤回原營歸
伍卽湖北各兵內如有疲病者亦當遣發回營旣

使一兵可得一兵之用亦不至虛糜糧餉其添設
鎮道事宜姜晟既親赴該處查看著卽妥議章程
並將應行添設鎮道之處一併具奏以便簡放

上又命軍機大臣傳諭額勒登保長麟台布日各路
防守兵丁與徵調進剿者不同自應以本地之兵
防守本省較爲得力今楚省兵丁多派赴川陝協
剿而湖北防守各兵轉係河南山東之兵卽如陝

省兵丁派往川省防守而陝省防堵各兵或多係
川省之兵彼此不能得力著額勒登保就各路防
守情形酌量對調俾各守各土其山東河南及此
外各疲病兵丁亦應大加裁撤庶餉不虛糜而兵
歸實用於防堵更爲得力矣

同日勒保奏言

臣

於潼川途次接到德楞泰來

信以賊匪竄至廣元之木門場囑

臣

帶兵由廣

元一路迎擊維時因蒼溪蓬州連次告警臣卽

同總兵薛大烈帶領由龍安撤出兵勇一千餘

各由蒼溪一路進發適七十五在川甘邊界酌

留防堵官兵布置事竣已帶兵行至江油臣卽

令其就近馳赴廣元亦可與德楞泰收三面環

攻之益茲臣於初七日行抵蒼溪探知再添士

王士虎等各股竄匪自經德楞泰於南江縣長

池壩地方痛加殲戮餘匪四散奔逃有逸入廣
元之木門場五郎廟者有闖入蒼溪之彭店壩
等處者現俱折竄南江通江一路而去

臣正擬

約會七十五帶兵追剿又接德楞泰信稱賊匪
現已竄至通南交界之烏林壩地方勢必由通
江走東鄉太平等處德楞泰業經帶兵緊躡囑
臣不必由此路行走轉至兩路俱成尾追應卽

從順慶達州至東鄉一路前往迎擊並可冀兩

軍及早會合

臣

查廣元蒼溪境內現已無賊自

應速赴東鄉迎賊截擊且思嘉陵江一帶防堵

事宜雖派文武大員分段督防第未能親身查

察又聞近日賊匪竟有假扮絲客牛販欲由保

寧混過嘉陵江西岸以圖竄擾川西之說尤不

可不嚴行防範

臣

卽就便取道保寧順慶查視

江防茲於初九日行抵保寧府查看沿江防守
兵勇營卡俱各布置嚴密派委員弁亦能認真
出力仍嚴諭該管各官隨時督率兵勇稽察盤
詰以杜奸匪混跡並將保寧局厯辦糧餉等事
稍爲清釐該局現在尙存軍需銀十萬兩有零
責成川北道李鉉一手經理樽節支用仍俟
路過達州將該局應否裁撤歸併省局之處再

臣

行察看情形通盤籌定據實具奏再原任建昌

道劉清去年經臣派令在通江巴州一帶招撫

被脅難民夏秋二季通計從賊隊中投出者實

有二萬數千人因此黨與解散賊勢大衰茲查

各股竄匪大半俱在通巴境內正當乘此被剿

情急之時廣播

皇仁招歸安業則剿撫兼施更覺事半功倍臣現派

劉清帶同候補通判劉星渠速赴通巴一帶仍
照上年所定章程認真招撫以散賊黨而輯民
生於軍務亦有裨益至七十五現已帶兵趕到

臣拜摺後卽由保寧一同起程前進以冀與德

楞泰及早會合通籌協剿迅勉成功奏入

上命軍機大臣傳諭勒保曰勒保接據德楞泰知會
卽由順慶達州一路迎往現在德楞泰緊躡賊蹤

有勒保在前攔剿自成夾擊之勢該署督務須會

同德楞泰奮力剿辦將此股竄匪殲除淨盡再辦

他股庶可以次肅清其高二馬五等股賊匪俱在

禮縣伏羌一帶奔竄現有阿哈保百祥在彼剿辦

廣厚已前往堵剿自不虞該逆等復竄回川西至

摺內所稱賊匪有假扮絲客牛販欲由保寧混過

嘉陵江希圖竄擾川西等語此則必應嚴行防範

雖沿江一帶營卡經勒保查看布置尙爲嚴密仍
應隨時留心嚴飭所屬認真防守毋令稍有疎懈
致奸匪潛蹤混過爲要至保寧局現存軍需銀十
萬兩零達州局內自亦尙有存餘近復前後撥給
餉銀六十萬兩解川應用該署督務須加意撙節
核實支發不得稍有冒濫至所稱現派劉清帶同
候補通判劉星渠速赴通巴一帶仍照上年所定

章程認真招撫一節自應如此辦理劉清從前承

辦招撫事宜賊營內曾投出二萬數千餘人著有

成效現當剿捕緊急賊匪窮竄之時若廣爲招徠

自必聞風紛紛投出可收剿撫兼施之益此事卽

責成劉清經手專辦仍令每月將招撫投出人數

具報總督一次以憑查核如果招徠至數萬人認

真奮勉該督卽行據實奏聞劉清平日居官能得

民心朕卽加恩將伊原官開復亦無不可

二十二日

癸酉

長麟奏言查前竄賊股自出辛口

峪已於前月二十五日竄至棧道內之東河橋

黃牛舖及營頭口等處臣於二十六日趕出子

午峪距賊蹤已六七百里之遙臣督兵兼程晝

夜行走不留餘力由寶雞入棧追躡前進途間

探聞賊匪已經竄過棧道以西一股由二郎壩

集三不牙直之皇統卷三十三
三
奔竄一股由茱子嶺奔竄俱入甘境沿途訊據
逃出被裹難民僉稱該匪等商議欲分路竄往
秦州會合搶掠查秦州爲甘省第一蕃富之區
且與陝省隴州毗連現在並無兵備倘該匪等

一經北竄所關匪細臣自唐藏太渠追入甘境

卽由茱子嶺利橋一帶抄至賊匪北面兜截以
期緊顧秦隴初八日行抵黨家川探聞賊匪由

紅崖子一帶直奔甘泉寺係通秦州大路臣鼓

勵兵勇翻山前進於初九日午刻趕至甘泉寺

已出賊匪之前該匪知官兵已扼要路卽折回

南面馬家壩一帶竄入深山臣躡探賊蹤相距

尙七八十里當卽由甘泉寺向南兜截十一日

晚至楊家斜坡探聞賊匪已至西和縣所屬之

唐家河距臣營五十餘里卽於次日四鼓派總

兵觀祥革職將軍富成侍衛巴彥泰帶領馬隊

臣

督率叅將阿爾紉阿等帶領步隊疾驅前進

辰刻趕至汪家川地方據探賊匪向西竄走相

隔官兵祇四五里因聞官兵趕到紛紛折向南

竄等語

臣

刻卽督兵緊追相去賊匪半里許卽

令觀祥等帶領馬隊先行馳往直前衝突將賊
匪截爲兩股一股約賊匪二千餘人奔上西面

山梁適步隊官兵亦卽趕至山下觀祥率同兵
勇由右手仰攻富成率領兵勇由左手仰攻巴

彥泰率領兵勇由中路直撲一股賊匪約一千

餘人由溝內奔向南山臣卽督同阿爾綳阿等

分帶兵勇尾隨追趕賊匪奔上南山我兵亦卽

搶上梁頂兩股賊匪吶喊搖旗撲壓抗拒兩路

官兵人人奮勇鎗礮齊施各斃賊匪數十人西

面山梁賊匪力不能敵先行敗走觀祥富成巴

彥泰竭力追殺斃賊二百餘名生擒四十五名

南面山梁賊匪亦卽繞山奔逃臣卽率同阿爾

綳阿等竭力追剿斃賊一百餘名生擒三十七

名兩股賊匪又先後奔上大山合爲一股折回

抗拒臣當卽督催各隊官兵一擁直撲擊斃賊

匪百餘名賊匪直向西奔竄官兵仍前緊追寸

步未肯稍後追至三十餘里賊匪先行捨上迎面錦雞嶺之極高頂上分爲三隊據險不動此嶺勢甚陡峻直同壁立蓬科蒙密並無容足之

路

臣

復鼓勵兵勇奮力仰攻當令觀祥督率遊

擊劉滿貴帶領兵勇由右手抄上富成督率守

備宋鉞帶領兵勇由左手抄上

臣

率同阿爾綳

阿並各將備分投接應兵勇等攀援荆棘奮勇

齊上進至山腰賊匪據險抗拒擲石不絕兵勇

奮勇倍增鎗礮擊倒持旗賊目三名賊匪漸退

當有六品頂戴鄉勇首雷青吳順爭先撲上梁

頂連戳賊匪數人一面招呼各兵勇一擁直上

刀砍矛戳賊匪站立不住紛紛由山後奔逃兵

勇蜂擁壓下追殺數里又斃賊匪百餘名生擒

四十六名餘匪又翻越一重大山逃迨時天色

已黑雷電交作且官兵自四鼓直至日落奔馳
攻擊已極疲乏不得不暫行紮住臣於督兵追

殺賊匪之時恐沿途山內藏有餘匪復派遊擊

台清阿帶兵在後搜山又於溝內搜殺潛匿賊

匪七名生擒一名計此次殺賊共有六百餘人

生擒一百二十九人搶獲騾馬驢頭旗幟鎗矛

甚多訊據拏獲活賊及被裹難民供稱此股賊

首係伍金柱因人數較多甘肅糧食較少所以
分爲兩起行走今日打仗是後起之賊本係見
陝西兵多來甘躲避又見甘肅百姓都上山寨
無處找糧商量要在四川逃竄等語除被裹難
民十七名研訊明確刻卽給予盤費路票令其
回籍外其餘均係首賊概行正法奪獲騾馬器
械等件均經分賞出力兵勇以示獎勵至兵勇

目下仰攻之時有陣亡步兵一名受傷兵勇三

十四名另行咨部辦理臣仍多差兵勇躡探賊

蹤刻卽趕緊追剿至額勒登保及各路大兵會

否入甘臣尙未得確信現在甘省賊情臣均經

差弁探往額勒登保大營通報其由川省竄來

高馬二逆已與陝省竄來之戴家營賊匪合爲

一股越數日後又復分爲兩股一向南奔一向

西竄均有奔向徽縣兩當之勢臣於山內途遇

藩司廣厚據稱南竄之賊有副都統阿哈保總
兵百祥索費英阿追剿其西竄之賊廣厚現在

趕往追剿至各路官兵追賊入甘所需軍糧最

關緊要臣亦已分派營弁馳往各州縣催趲趕

辦並飛調蘭州道蔡廷衡移駐鞏昌適中之地
就近總辦仍飛飭鞏秦階道慶興親赴各屬督

催趕運不致稍有貽誤再臣營所帶鄉勇四百

餘名均係陝省五郎一帶無業之人自元年至

今從事戎行嫻習技藝較之新募官兵實爲得

力現在陝省五郎山內添設寧陝鎮營分招募

新兵尙未足額應請卽將此項鄉勇收入寧陝

營作爲兵丁實於營汛有益但訓練約束必需

妥幹千把管領現在寧陝營千把等官尙未選

集三才圖會卷三
三
擇有人若由別營調補管領又恐不能約束查
鄉勇首領六品頂戴雷青吳順平素管領該鄉
勇甚有紀律且此次打仗殺賊實屬奮勉出力
合無仰懇

皇上天恩卽將雷青補用寧陝營千總吳順補用寧
陝營把總俾資管束似於軍務較爲有裨如蒙

俞允

臣

一面移咨台布查照並札知寧陝鎮總兵劉

之仁遵照辦理奏入

上命軍機大臣傳諭長麟曰此次長麟分飭觀祥富

成巴彥泰等帶領馬隊馳擊賊匪長麟亦督率叅

將阿爾紉阿尾隨追趕俱有斬獲賊匪向西南奔

竄官兵仍前緊追先後殺賊六百餘名生擒一百

二十餘名所辦俱好稍贖從前逗遛遲緩之咎現

在伍金柱後股賊匪既經長麟截殺多名其伍金

柱前股究竟竄往何處摺內未據聲明想亦奔竄

不遠此股賊匪卽交與長麟一手剿辦務當乘此

勝勢鼓勇直前若能將伍金柱全股賊匪卽在甘

省地方殲淨不但宥其前罪併當優加恩賞至觀

祥富成巴彥泰等分投剿賊亦俱出力如伍金柱

一股剿盡後長麟卽據實保奏候朕加恩至所請

將雷青吳順補用一節所奏甚是雷青著卽補用

寧陝營千總吳順與雷青一同出力且同係六品

頂戴亦著拔補千總遇缺卽補所有寧陝營把總

著長麟於鄉勇中曾經賞給七八品頂戴者揀選

拔補鄉勇等卽著挑補寧陝鎮兵丁俟賊匪剿竣

後再令歸伍其不願入伍者聽至所稱高馬二逆

與戴家營賊匪合夥後又復分爲兩股一向南奔

一向西竄等語賊匪向南奔竄究係甘省何處地

方其西竄之賊亦未據敘明奔向何處豈此股賊
匪又仍折回乎且西竄之賊何以僅有廣厚在彼
追剿是否賊匪爲數無多廣厚一人足資剿辦並
著長麟查明覆奏此時甘省糧餉最關緊要長麟
已調蘭州道蔡廷衡移駐鞏昌督辦豈能空手料
理長麟係陝甘總督兩省俱其所轄自當無分畛
域先其所急所有陝省存貯餉銀儘可酌量挪往

鞏昌備用該督務須飭令蔡廷衡等妥爲辦理以
期無誤軍儲爲要

<p>此項...</p>	<p>此項...</p>	<p>此項...</p>	<p>此項...</p>	<p>此項...</p>	<p>此項...</p>	<p>此項...</p>
--------------	--------------	--------------	--------------	--------------	--------------	--------------

欽定剿平三省邪匪方略正編卷一百八十七

年 庚申

六月二十三日

甲戌

額勒登保奏言竊各股竄匪

先後由棧道入甘前因札克塔爾楊遇春穆克

登布等尙在南山搜剿

臣

當經嚴飭務須將餘

孽剿捕淨盡茲疊據札克塔爾等先後呈報該

匪等剿潰狂奔山內已無成羣結夥之賊而沿

途各股內均有落後餘匪且賊股狡詭有隱匿

寺院並捏稱難民密行探聽官兵信息者每日

殲戮數十人及一二十人不等陸續散出裹脅

民人隨時訛明釋放者共有三四百人此次賊

匪逃竄多係從深山老林盤旋而逸沿途跌斃

賊匪並馬騾甚多而數路官兵或千餘或數百

名到處搜捕又不得不跟蹤於亂山密箐中行

走道途紆折雨水衝漲又有間阻是以不能迭

速今楊遇春穆克登布九十各路官兵又從柘
栗園白營寺等處出棧道之草涼驛黃牛舖等
處於十二三日會合札克塔爾綸布春帶領馬
隊官兵已從子午峪一帶於十五日出棧會齊
陝省餘孽搜捕已盡接據稟報竄甘之賊有在

徽縣兩當附近秦州者有在三岔地方附近隴

州汧陽者

臣

查得隴州地方尙有渭河一道目

下水勢正大賊匪驟難偷渡然一過渭河又係

陝境平原之地最爲緊要已飛飭札克塔爾同

楊遇春格布舍九十等帶兵先由黃牛舖直趨

三岔進剿並當顧佐隴州汧陽地方江南提督

定住日內計抵寶雞亦令其不必前來臣營卽

帶直隸兵八百名就近赴楊遇春一路協剿綸

布春與穆克登布桑吉斯塔爾等令其由唐臧

太渠一路覓道來徽縣兩當一帶剿擊並據阿
哈保呈報近於初八日在徽縣之馬鞍巖罐子
山樛樹壩等處會同百祥索費英阿等疊次與

賊打仗先後殺賊四百餘名生擒三百餘名奪
獲旗幟騾馬甚多查係高二馬五戴家營賊匪
合夥並有張世龍及冉學勝股匪在內阿哈保
等現在跟蹤趕剿等語是竄甘之賊已經官兵

痛剿而秦州地方尙有長麟等在彼剿辦札克
塔爾等趕緊前去當可不致蔓延查陝省南山
等處屢爲賊匪滋擾實係腹地之患今雖未能
就地一律掃除仍至竄往甘省而此一帶旣已
寧謐自不可再令賊匪折回至西鄉境內前有
龍紹周唐人信股匪曾經派令提督王文雄前
往堵剿據報已得有勝仗賊匪業經敗竄是否

西鄉邊界尙有餘賊臣已差人確查並札知王

文雄帶領兵勇四千餘名在西鄉南鄭一帶扼

要駐紮探有川匪竄近極力堵剿其寧羌沔縣

一帶並令總兵札勒杭阿帶兵一千四百餘名

紮卡防堵又聞楚中賊匪已竄南漳若出竹山

竹谿卽近陝之平利白河現有慶溥温承惠帶

領兵勇五千餘名在安康平利一帶臣已飭令

如賊匪竄近務當協力同心相機堵剿萬不可
使該匪再行入陝滋蔓至紫陽一帶現今額勒
亨額帶馬步官兵嚴堵川匪勿令竄入併與慶
溥溫承惠聲勢聯絡總兵劉之仁現帶兵千餘
名在五郎防堵並招練新兵查五郎與石泉相

近臣並飭令該鎮於沿江灘淺處所隨時稽查

防範臣沿途察看山形地勢褒城毗連漢中山

路多通黑河關係緊要當將岱森保留於該處
并酌留官兵一千三百餘名令其安營設卡防

堵由黑河東竄入陝之路其武關留壩菜子嶺

鐵爐川大石崖等處令總兵汪啟帶領官兵三

千餘名駐守其大石崖以北分水嶺瓦房壩廢

邱關酒店梁方石舖等處令長春同副將舒隆
阿帶兵勇共五千餘名駐守其方石舖以北之

太渠唐藏利橋一帶令將軍恒瑞同總兵德忠
帶領馬步兵勇共三千餘名駐守此外如隴州
寶雞一帶尙有副都統和興額道員王文湧等
在彼防堵自此當悉臻嚴密臣遇各鎮將前來
見面時已將如何擇地設卡安營以及隨時偵
探截剿等事逐加訓飭並將疊奉

嚴旨愷切宣諭各該員亦無不戰兢恐懼其餘未經

見面之各鎮將業已詳加札飭斷不可一悞再

悞

臣

面晤台布並囑暫駐鳳縣一帶隨時親身

巡查西面現設各卡隘兼籌糧餉事宜並派員

就近經理隨時供支不使防堵之兵稍有缺乏

且各段內倘兵力不足卽以陝省補額之兵撥

用總期賊匪不致再行入陝

臣

連日分佈停妥

後卽帶同慶成等取道兩當入甘剿賊本月十

六日已次兩當之韓奉濟前途與札克塔爾等
或分或合隨時酌量再查甘肅之賊被剿情急
恐又竄入川界其白水嘉陵江岸以及龍安等
處亦須嚴備業已咨明勒保飭知名該處地方
文武加意防範至甘省糧運已札致長麟派員
妥爲經理

額勒登保又奏言臣前因賊匪由甘竄陝恐其

在陝被剿情急復折竄甘省曾經奏明合陝甘
兵力防堵其鎮將等均聽長麟調度嗣經長麟
於各鎮將外添派道員王文湧分段設防又子
午峪以西蓋屋所屬之黑水峪西駱峪辛峪一
帶本無官兵堵守亦經長麟告稱已飭藩司台
斐音督率各該員多練鄉勇並添派壯丁八百
名令該司就近調度佈置茲查戴家營一股賊

匪先從辛峪竄出經道員王文湧叅將綽克圖
等率領兵勇截擊由黑水峪折入山內復從總
兵索費英阿所管之杜家莊竄出該鎮未能截
住致令奔入陳倉口黑河一帶索費英阿跟追
亦未截回是以竄進甘境其長春原駐江口因
索費英阿追賊離防調赴兩河口分堵而接踵
竄出之冉學勝張世龍並伍金柱等股賊匪除

長麟率同觀祥富成等帶兵跟追外各匪亦有
從兩河口長春所防之處竄至棧道出陳倉溝

一帶入甘者查索費英阿在方柴關防堵據報
帶有兵勇一千七百餘名所設卡隘非止一處

兵勇定亦分布見單但戴家營本屬臣剿潰之

賊始由杜家莊竄出時訪查實不滿千人該鎮
竟未能攔截雖親率官兵跟追亦無畏憚情事

而其防堵不力之咎實所難辭諺鎮亦甚愧懼

業經奉

旨革職

臣

仍責令帶兵効力自贖至長春在江口一

帶帶兵本有一千六百餘名又從九品雜昂管

有鄉勇二千餘名兵勇同在一路爲數不少而

長春究係索費英阿追賊去後分撥兵勇移駐

兩河益形單薄且查伍金柱股內賊匪攻撲五

里坡營卡之時該鎮曾經督率官兵奮力擊斃
三十餘名賊匪奔散後半夜復來攻撲該鎮又
用鎗礮打至四更緣探張添倫辛聰等股之賊
又從滴水巖竄出左右皆賊該鎮不能兼顧以
致伍金柱股內賊匪接踵從草涼驛唐藏太渠
一路竄出張添倫等亦至棧道從陳倉溝迤西
逸出入徽兩境內除從九品雜昂職分與備弁

相等不足深究外所有涼州鎮總兵長春應請

旨革去總兵及巴圖魯名號並拔去花翎降爲副將

亦仍令帶兵自贖至台斐音旣經長麟將峪口

一帶派交防堵乃賊匪叠次從峪口竄出自係

團勇壯丁不甚得力該藩司並不預先籌畫以

致臨時踈虞究屬文員尙可從寬而該藩司總

理軍需糧運一事乃其專責前於鎮安五郎等

處又未能辦理妥協當予嚴叅惟聞該司在陝
廿年久於地方情形尙爲熟悉應請

旨將陝西布政使台斐音拔去花翎降爲道府仍留

陝西責令將軍需糧餉等事悉心經理以觀後

效又奉

旨查詢副都統和興額一節和興額前因長麟以賊
匪內有從峪口逃竄故添派該員帶兵前往堵

賊維時楊開甲股匪合之張添倫辛聰宋麻子

顏勝可魏棒棒等共有六股五月二十四五等

日尙在洋縣之茅坪一帶屯聚嗣經札克塔爾

楊遇春穆克登布等痛加斬戮並將首逆楊開

甲殲斃之後張添倫等餘孽甫由二郎壩一帶

竄去臣派令總兵九十等跟追又探有周姓陳

傑賊匪向東四畝地一帶奔逸臣恐其深入五

郎令札克塔爾等卽行分路緊躡追剿是長麟
奏五月二十日從辛口峪竄出之賊乃冉學勝
張世龍等股匪並非楊開甲其伍金柱一股原

係臣與各將領在手扳崖銅錢窖等處剿潰遁

入老林之賊和興額旣抵峪口未能先將冉學
勝張世龍股匪攔截嗣伍金柱股匪於二十二
日亦從辛口峪竄出訪查和興額本未堵住後

追出十餘里殺賊無多適遇大雨亦未盡力窮
追誠難辭咎但核彼時所帶之兵只有一千餘
名未免單弱應請

旨將副都統和興額巴圖魯各號花翎一併革去以
示薄懲仍留副都統之任令其帶兵勉贖前愆
至按察使銜鳳邠道王文湧當賊匪屢次欲竄
寶雞之時若防堵稍有不力勢必偷渡渭河擾

及平原該員竟能與叅將綽克圖奮力截堵實
有勤勞又寧夏總兵汪啟駐劄桅桿石五道梁
並分防江口等處疊經盤獲逆犯防堵嚴密未
致賊匪窺伺亦屬實心任事應請

旨將汪啟王文湧綽克圖三員交部分別議叙如此
有功必錄有罪必懲該員等庶知儆懼激勸倘
此次懲戒之後各該叅員再不知認真出力此

外再有似此堵剿不力之員必當奏請卽於軍前正法現又通行嚴飭凜遵均奏入

上命軍機大臣傳諭額勒登保日前因陝省賊匪分股竄擾曾諭令額勒登保不可輕率赴甘今南山餘匪搜捕已淨陝西業無大股賊匪而徽兩等處賊匪急須搜捕額勒登保取道兩當入甘剿賊自應如此辦理此時高二馬五與戴家營賊匪合夥

業經阿哈保帶兵剿殺而秦州竄匪長麟已得有
勝仗並有札克塔爾楊遇春等分路追截額勒登
保正當乘各路官兵會聚之時奮力兜截以次殲
除但甘省地瘠民貧無食可掠各路賊匪見官兵
四路進擊或又思乘間竄回陝省不可不慮額勒
登保必須在甘境內將各股竄匪全行撲滅至陝
省邊界額勒登保俱已酌留官兵派員駐守布置

尚爲周密現又降旨令台布督率官兵實力防範其所慮楚省南漳賊匪恐由二竹竄近平利白河一節此股賊匪現據明亮等奏已經逼入山內趕緊進剿楚省賊少兵多自可不致他逸且平利安康一帶有關溥溫承惠在彼防堵似可放心惟額勒登保所稱甘省之賊被剿情急恐又竄入川界其白水龍安等處已咨明勒保督率嚴防等語此

則甚爲可慮勒保現已前赴德楞泰一路會剿川
北賊匪並將七十五薛大烈調回其白水龍安等
處豈能兼顧額勒登保仍當悉心調度酌派官兵
預行在彼堵剿遏其入川之路勿令竄近龍安一
帶方爲妥善

上又命軍機大臣傳諭台布王文雄曰川省竄匪前
被王文雄截回現在額勒登保帶兵入甘賊匪最

能偵探恐其乘間復竄陝省又南漳一帶接近房
竹該處賊匪亦難保其不竄入滋擾是陝省現在
雖暫無賊匪較之經畧在陝時各路邊界防堵倍
關緊要著台布王文雄於各路要隘處所督飭所
屬妥爲布置嚴密堵禦毋使三省竄匪一名闖入
若有竄近邊界者務卽上緊截回必將防堵之員
優加甄叙倘或防守不嚴致賊匪復行乘虛竄入

必當查明何路疎縱賊匪之員嚴行治罪台布王文雄二人總司其事其罪尤難輕貸至南山一帶

賊匪雖據額勒登保剿捕淨盡恐或尚有餘孽一

切應行查辦事宜台布亦當留心察看妥協經理

俾難民復業賊匪無險可據此爲最要再陝省應需軍餉前於五月內發去銀五十萬兩卽速解往甘省今又於浙商公捐項內命延豐解往陝省銀

五十萬兩以補前款該省重兵多半前往甘肅可
不必多需餉項台布前奏所云每日需銀二萬之
說此時自可無用所有陝省現存銀米除酌留防
堵官兵需用外其餘儘數迅速解往甘省交與長
麟以濟要需其陝省應需之項現已有旨命延豐
迅卽解陝俟此項銀兩解到時台布務當撙節支
用不可挪移牽混再廣東總兵馬玉魁帶領粵兵

一千五百名由水路至陝後卽令前赴甘省經畧
軍營聽候調度

上又諭內閣曰據額勒登保奏查明防堵不力各員
分別劾參並將出力之員懇請交部議叙一摺朕
詳閱各員功罪總兵索費英阿係在杜家莊專司
防堵之員戴家營一股賊匪由辛峪竄出經道員
王文湧叅將綽克圖等截擊後賊匪由黑水峪折

入山內復從索費英阿所管地界奔竄此股賊匪
係額勒登保剿敗之餘爲數不滿千人而索費英
阿所帶兵勇有一千七百餘名兵多賊少如該總
兵能奮力截剿自可痛加殲戮不令他竄乃該鎮
並未截住卽跟追後亦未能緊躡賊蹤與之接仗
致賊匪竄入甘境索費英阿踈縱之罪實有難辭
且伊已年老無能業經降旨革職若仍令帶兵自

効不足示懲著照吉蘭泰之例卽於軍營柳號示
衆候軍務完竣再行發往伊犁効力贖罪涼州鎮
總兵長春在江口一帶駐守雖所帶兵丁有一千
六百餘名然因索費英阿追賊去後該鎮分撥兵
丁移駐兩河兵分見單且伍金柱股內賊匪分竄
攻撲營卡時該鎮屢經擊賊殲斃三十餘名因竄
匪分股較多不能兼顧較之索費英阿情尙可原

然僅請革去總兵及把圖魯名號並拔去花翎亦
覺過輕長春著革去總兵及巴圖魯名號並拔去
花翎加恩降爲遊擊隨營効力自贖布政使台斐
音於辦理團勇一事未能預先籌畫妥爲布置總
理軍需糧運於大兵進至鎮安五郎時又未能趕
運接濟實有應得之咎自應照額勒登保所擬降
職示懲台斐音著拔去花翎降爲道員溫承惠在

紫陽一帶督率鄉勇堵禦賊匪最爲出力所有陝
西布政使員缺卽著溫承惠補授至王文湧自剿
賊以來帶領鄉勇於要隘處所屢次堵賊且伊係
文員能與叅將綽克圖奮力剿賊截回奔竄匪衆
實爲出力可嘉王文湧卽著補授陝西按察使其
所遺鳳邠道一缺卽著台斐音降補仍令辦理軍
需事務以觀後效副都統和興額在峪口地方防

堵既未能將冉學勝等股賊匪截住而伍金柱股
匪亦旋由該處竄逸該副都統總未奮勇堵截迨
賊匪竄後又不盡力緊追其罪雖較索費英阿稍
輕而較之長春則重豈可仍留副都統之任和興
額著拔去花翎革去巴圖魯各號降爲防禦隨營
帶兵効力自贖至堵賊出力之叅將綽克圖能會
同地方文員實力捍禦著有勞績洵爲出力之員

著加恩以副將陞用遇有缺出卽行奏補如從前
未經得有花翎卽著賞戴花翎總兵汪啟在桅桿
石五道梁等處分防雖疊經盤獲逆匪堵禦亦屬
認真但防守事宜是其專責尙未著有殺賊功效
此時且不必交部議叙如果該員始終奮勉出力
再行據實保奏候朕加恩

同日

上諭內閣曰魁倫自上年署理吏部尙書時常蒙召

見屢請前往四川軍營並以伊從前曾任四川營
官於辦理咽喉匪時擒捕奮勇現在教匪滋事尙不
似咽喉匪之難辦乃遲至數年尙未蕝事皆由帶兵
大員等因循貽悞所致若令伊前往必能尅期奏

績彼時朕卽以其言大而夸未允所請嗣因勒保
以總督辦理經畧事務難以兼顧且安坐達州於

剿捕事宜未能經理妥善是以將勒保革職治罪
改授額勒登保爲經畧川督一時乏人因念魁倫
在川年久又曾任閩浙總督於地方事務自應諳
曉特命前往署理四川總督並未委以軍旅重寄
上年冬底川省賊匪由陝竄甘其時額勒登保有
鑒於勒保之株守不動遂於本年正月初一日由
達州帶兵前赴甘省彼時四川別無大員額勒登

保因將川省零星賊股交與魁倫接辦若魁倫自

揣不能勝任卽應阻留額勒登保不令前往或據

實奏明請旨定奪乃竟直任不辭復於達州地方

逗遛八日以置辦衣履爲詞又復繞道行走以致

賊匪乘間搶渡嘉陵江以西荼毒無數生靈魁倫

並不親身督剿僅派阿哈保朱射斗前往追躡又

不妥爲策應以致朱射斗失利陣亡自後魁倫愈

加畏憚惟於鳳凰山紮營屢次奏摺總以防守潼
河爲名從未與賊接仗適德楞泰遵旨帶兵馳到
屢殲賊衆朕彼時諄諭魁倫以防守潼河是伊生
死關頭特宥其縱賊竄渡嘉陵江之罪加恩降爲
三品頂戴令其固守潼河以觀後效魁倫若果能
實力堵禦俾德楞泰得於潼河以東將賊匪剿淨
是魁倫前此疎縱之罪早經寬釋而防守潼河將

功贖罪卽不能復邀頭品頂戴仍可留任總督詎

魁倫疎於防範經劉清稟請暫留黔兵以資防守

又復批飭不准致令賊匪竄過潼河西岸將完善

地方百姓肆行殘害幾至擾及成都省城附近處

所幸德楞泰督兵奮剿始將賊匪驅過潼河東岸

彼時魁倫僅幫同勒保打仗一二次旋又帶兵前

赴龍安川省百姓無不感激德楞泰而怨恨魁倫

其輾轉避賊恇怯無能若不加之顯罰何以肅軍
紀而飭戎行且川西被賊黎民不可勝計此而猶
欲曲事姑容豈無辜受害之百姓目不忍覩耳不
忍聞者獨非民命乎因降旨將魁倫革職拏問交
勒保等審訊擬以斬決經王大臣等復加核擬無
異本應卽將魁倫在軍前正法特因教匪究係內
地亂民若將失律大員卽在該省辦理恐啟莠民

蔑視官長之漸是以令其解京仍命王大臣等連
訊兩日魁倫亦惟俯首認罪無可置辯且於團勇
誤殺解送弓箭之守備馬良柱一事並不據實奏
聞轉將馬良柱捏報陣亡濫邀卹典其欺飾之罪
亦據供認不諱復經王大臣等照原擬請旨將魁
倫卽行正法並遵旨將從前軍營僨事各員辦理
成案六件檢查進呈以備比擬如馬爾賽訥親張

廣泗雅爾哈善俱經明正典刑此四人因剿辦準
夷金川回部外域較之魁倫情罪尤重至所開李
侍堯則係原擬斬決蒙

皇考改爲監候核其原案止於不能預防回匪致田五
等糾衆謀逆復株守靖遠不卽行趕赴軍營以魁
倫之畏葸退避縱賊殃民與李侍堯相比情節更
重至楊應琚任雲貴總督時因辦理緬匪調度乖

方捏飾欺朦原擬照統兵將帥貽誤國事例擬斬
立決曾蒙

皇考加恩賜令自盡魁倫身任總督與楊應琚同其調
度乖方亦與之同至於魁倫屢次以防守潼河入
奏隱遂其避賊之計又於馬良柱一案捏詞具奏
其欺朦隱飾亦與楊應琚同魁倫種種罪狀因應
正法但究係自請前赴軍營其情尙稍有可原魁

倫著照楊應琚之例免其肆市著刑部堂官傳旨
監視賜令自盡乃於萬無可貸之中寬以一線此
卽朕過於姑息之處然於軍紀所關斷不肯曲宥
一貽誤封疆之庸臣而膜視小民之被賊殘害陷
於非辜也魁倫之子完顏扎拉芬並著發往伊犁
効力贖罪以示懲儆

上又諭內閣曰人君馭下之柄不外賞罰不可稍有

偏倚必以至公無私處之切莫預立成見惟視其

人之自取無所容心於其間賞濫則不知感勸刑

濫則民無所措有功缺賞失鼓勵之道有罪不罰

損懲創之法在平時尙不可少闕况行軍不明賞

罰事必難成貽誤因循爲害益大失律之臣不誅

奮不顧身者何勸豈有數萬子民身膏原野骸骨

拋零爲君父者漠不關心必欲曲法保全一僨事

之庸臣我大清國豈有如此庸碌卑鄙之主茲因
治魁倫之罪特行明白宣諭知之

上命軍機大臣傳諭額勒登保德楞泰明亮陝甘四
川湖北各督撫曰魁倫自到川省以後辦理軍務
種種逗遛玩誤欺蒙隱飾縱賊殃民各罪狀現經
審訊明確已明降諭旨將魁倫賜令自盡矣魁倫
獲罪之由總由賊匪竄渡潼河不能堵剿以致川

西無數生靈盡遭荼毒若彼時果能實力攔截使

潼河以西不致被賊蹂躪則伊前在嘉陵江踈防

之咎業經釋宥尙可將功贖罪乃魁倫竟遷延貽

誤任賊匪肆行竄逸將完善地方焚燒殘害幾至

擾及成都省城附近地方自罹重罪實在於此朕

非無決斷柔懦之主豈肯曲宥一貽誤封疆之庸

臣而膜視小民之軀命任其被賊戕害無辜就死

乎剿賊之法無出剿堵二者但必須能堵而後能
剿若統兵官員盡力追擊而前無攔阻則賊匪乘
虛肆竄到處裹脅散而復聚徒然疲我兵力何時
始能剿淨今辦理教匪已及五年賊匪一日不能
剿淨則生靈一日多遭荼毒每一念及盡傷惻怛
所不忍言各路統兵大員及各該督撫等身受重
寄務當同心併力於秋冬之交將各股竄匪悉數

殲除剋期蕝事至軍營賞罰務在嚴明有功在所
必錄而有罪亦斷無旁貸卽如辦理魁倫一案本
非得已諸臣等爲國宣力朕惟願諸臣速成大功
同邀茂賞多多益善實不願將身獲重戾之人向
伊等言及然諸臣總當時時有一魁倫覆轍常懷
謹凜益加奮勵殺賊立功則朕所日夕冀望者也
况賊匪擾害良民統兵大員及封疆大吏不能上

緊堵剿以致多戕民命則其身倖免罪戾亦必陰
受孽報延及子嗣實事理之所必有若能奮勇立
功俾賊匪早平一日百姓得早受福一日則陰德
甚大其子孫亦必蒙福向來勛臣後裔卽獲有罪
愆尙得援其祖父成勞予以矜全寬宥禍福之基
由人自取可不知儆懼乎茲因魁倫業經定案辦
理特行諄諭各路帶兵大員及各督撫等其各勵

志成功大加振奮以副朕殷殷期望至意

臣等謹案我

皇上下德好生凡人命攸關之事無不再三詳勘

欽恤倍加而况封圻大吏豈肯遽寘典刑乃魁倫受

恩深重且以剿賊自任前因行走遲緩致令賊匪搶

渡嘉陵江逗撓之罪已無可辭伏荷

聖慈曲賜矜全僅予降杖屢經

訓示嚴切責令立功自贖魁倫復疎忽玩悞任賊竄
過潼河擾及川西仰維

皇上宵旰籌諮焦勞莫釋方恐一夫罹於鋒鏑乃轉
使完善之區無端而忽遭蹂躪司民牧者至
此實屬罪不容誅伏讀

聖諭云斷不肯曲宥一貽誤之庸臣而膜視小民之

殘害

仁至意盡炳若日星猶蒙檢核失律大員成案詳慎

聖諭云比較銖黍不爽予以一線之寬免其肆市明

聖諭云罰勅法懲一儆百自此軍紀肅然苟有人心

靡不知感知畏所由衆志成城克奮迅而獻

皇土實功也

二十四日

乙亥

上命軍機大臣傳諭台布曰陝省南山一帶道路綿

長山逕險仄素爲賊匪逋逃之藪雖據額勒登保
奏稱山內已無賊匪或成羣結夥者俱已潰逃難
保無零星賊匪在彼藏匿若置之不辦恐又勾結

蔓延且額勒登保摺內有陳傑周姓竄入東四畝
地之語東四畝地是否南山內地方該處餘匪會
否續行剿淨卽如楊開甲一股前在南山一帶竄

匿日久製造旗幟突如其來遂擾及商州山陽等

處此其明証現在台布駐紮鳳縣一帶巡查西面
現設各卡隘兼籌糧餉事宜卽不能分身前往務
當派委得力勇幹員弁酌帶兵勇赴南山一帶認
真巡查必須搜捕淨盡俾南山內一律肅清方爲
妥善至陝境西南兩面守禦兵力尙覺單弱所有
粵兵一千五百名並總兵馬玉魁俱當留於陝省
台布接奉此旨後當隨時察探酌量陝省西南兩

面王文雄一路及岱森保汪啟等一路孰爲緊要
卽飛咨馬玉魁帶領粵兵迎往協同堵剿更可得
力一面咨明經畧再陝省巡撫藩臬俱因辦理軍
務不在西安駐紮省城重地豈可無大員彈壓台
布現駐鳳縣溫承惠現在平利紫陽俱有剿堵之
事新任臬司王文湧係在隴州寶雞一帶往來策
應尙無專責著傳知該臬司卽回省城彈壓並料

理糧餉等事台斐音係前任藩司亦著幫同王文
湧妥爲辦理勿稍貽誤

二十五日丙德楞泰奏言竊臣前於南江縣長

池壩一帶將冉添土張金連等股匪痛剿餘匪

敗由廣元木門場奔逃後臣仍卽督師追剿旋

探賊蹤並獲犯供稱該匪等竟欲繞竄閬中縣

屬之龍山采公沱搶渡嘉陵江逃往川西等語

我兵若隨後尾追勢必不及查巴州之花村壩
恩陽河爲赴閬中要路臣隨卽取道恩陽河抄

出賊前詎該逆狡獪異常又由魚溪寺折回原

路我兵遂改道由烏林壩一帶捷徑緊追於十

二日趕至通江縣屬之劉坪地方探報該匪等

在劉坪前四十餘里之汪家坪曹家坪屯聚查

詢土人知二坪在山梁之上若由大道進發賊

匪一望卽見惟近河之三溪子渠濱口小路可
以潛師分路而進是夜三更月色如晝卽派令
賽冲阿温春富僧德明德穆騰額李應貴馬應
國李應元王霖等繞過山梁由八廟嶺梁家河
翻山進攻曹家坪臣帶同阿穆勒塔色爾滾馮
瑜達勒精阿薩寧阿蒲尙佐達自祥劉維馨李
東山王玉龍劉彪等由三溪子渠濱口進攻汪

家坪黎明兩路官兵趕到不料該逆探知先已

半夜向江口奔逃

臣

督飭官兵直前趕殺沿途

斬獲甚多直追至四十餘里之雙灘子道路稍

平趕上賊匪大隊馬步官兵分投競進立殺賊

三百餘名賊衆愈形慌亂遂紛紛撲入大烏河

踣渡而南淹斃男婦大小約數百餘人我軍亦

跟踣過河極力追殺該匪竄走不及遂丟棄騾

馬牛隻竄上巴州屬之五臺山恃險抗拒並施
放擣石我兵冒石奮刃仰攻隨卽搶上五層山
巖鎗箭齊發又斃賊二百餘名生擒劉中揚等
一百四十三名該匪等連夜由烏木壩折回楠
栢山潰奔途中復經龍泉寨寨首滿文斌率衆
下寨殺賊六名生擒六名又經觀音寨寨首張
遵雍李長猗等殺賊三十七名生擒五名搶獲

馬騾四匹頭並稱樹林內復有自縊者二十餘
名查驗屬實當卽優加鼓勵獎賞銀牌其馬騾

亦卽賞給又查前次賊匪竄擾南江縣長池壩

等處有高臺寨寨長冉思雍毛芳祿殺賊二十

三名奪獲矛杆旗幟又此次南江縣裴良駿帶

領各寨團勇軍功李芳秀李崇發唐太吉包文

炳等共殺賊匪九十五名搜獲活賊七十七名軍

器十九件馬二匹內有羅其清之孫羅得富一
名年十二歲訊明後卽令該縣解赴保局轉發
收禁聽候辦理查藍白等號賊匪屢次被剿並
各寨截殺實已狼狽漏夜由巴州通江一帶遁

逃

臣

惟有盡力趕緊剿辦以期剿淨一股卽少

一股之患再頃接勒保來信業已行抵保寧由
巴州平梁城前來約計日內卽可會合奏入

上命軍機大臣傳諭德楞泰勒保日前據德楞泰奏
川省共有九股賊匪後又稱川東有賊匪兩股川
北有賊匪十股共十二股今摺內只稱藍白等號
賊匪屢次被剿由通巴一帶遁逃爲首賊目係屬
何人摺內所稱剿得一股卽少一股之患究竟尙
有幾股如川北之樊人傑苟文明鮮大川王士虎
齊國謨張子聰庾向瑤冉添士阮正瀆餘黨及川

東之徐萬富劉朝選等股現俱竄往何處賊數約
有若干其屯住地方係何州縣所屬德楞泰等如
何派兵在何處追剿會否剿淨何股尙餘幾股賊
數尙有若干俱未據逐一奏及殊屬含混看來川
省大股賊匪或因時值炎暑俱在山內躲熱而德
楞泰此次所擊斃者不過在外遊奕之零星餘匪
適遇官兵因而剿殺卽如龍紹周唐大信二股前

竄至西鄉一帶經王文雄擊敗賊匪卽由乾溝河
向東南奔竄而德楞泰近在通江與西鄉東鄉接
壤若使賊匪竄回德楞泰豈有不遇見截殺之理
乃亦未據奏及此二股賊匪是否實被王文雄截
回川境現又在何處竄匿著德楞泰一併查明據
實具奏至嘉陵江以西尤不可使賊匪一名偷越
現在已屆秋涼又無雨水德楞泰勒保務須合力

會籌趕緊進剿不使賊匪竄近陝境亦弗令越過
嘉陵江總期於秋盡冬初將川境各股賊匪卽在
川北境內一律辦竣用膺懋賞

二十九日庚辰德楞泰奏言臣於六月十八日行

次巴州屬之江口欽奉

諭旨以台布奏稱川省巴州南江境內賊蹤竄近寧
羌南鄭德楞泰已帶兵追來轉置川省多股賊匪

於不顧令臣據實覆奏伏查臣自肅清川西後各

逆皆遁入川東各州縣肆擾經臣帶兵趕至達

州新寧江北隣水等屬疊次痛剿擒殲偽元帥

劉君聘何上達偽總兵苟文富等該匪等畏懼

軍威遂先後向川北地方奔竄又有由陝境竄

來之苟文明鮮大川樊人傑等亦在川北各屬

滋擾通江巴州南江等屬紛紛告急維時川東

只有劉朝選徐萬富等兩股賊匪各剩千餘人
在大竹梁山一帶當卽酌撥兵勇四千餘員名
交李紹祖託雲泰等在川剿辦臣帶兵勇六千

餘員名直趨川北迨節次在南江通江地方將

藍白等號賊匪復加截殺殲戮其僞元帥賴掌

櫃僞總兵鮮中青等逆匪遂圖入陝又經臣於

廣元縣屬之木門場一帶截回未能北竄又由

九龍塲竄往魚溪寺一路希圖窺伺嘉陵江岸

經

臣

抄至恩陽河截回遂由巴州儀隴營山渠

縣等處翻山東竄連日疊據各州縣稟報苟文

明樊人傑鮮大川張金連等股現在渠營一帶

張子聰庾向瑤等一股現在東鄉縣地方劉朝

選湯思蛟等一股在岳池隣水界內徐萬富趙

麻花等一股在大竹梁山一帶冉添士王士虎

勢欲由通江遁入太平山內訊據逃出難民李
作梅蔣永和等供稱樊人傑苟文明鮮大川冉
添士等前在廣元縣屬東川壩地方會合大家
商量總要竄往川東擄掠又恐大兵跟追冉添
士說他由太平山內轉到開縣川東一帶再來
合夥方可牽綴官兵等語是日下川省賊匪惟
龍紹周唐大信兩股前已竄入西鄉五塊石一

帶山內游奕距太平不遠其餘俱在川境未能
他竄再冉添土等逆詭詐異常總欲誘令我兵
入山以便各股賊衆得以到處擄掠實堪痛恨

刻下川東地方稻穀業已成熟百姓正當收穫
之時若不及早剷除則匪衆大肆騷擾於民食
甚有關係昨聞勒保帶兵已至保寧臣卽知會

令由營山一路前往臣亦卽於十七日取道巴

州江口馳赴營山渠縣一帶與勒保會商剿辦

奏入

上命軍機大臣傳諭德楞泰勒保曰此事前因台布探聽不實率行具奏朕惟恐德楞泰舍近就遠舍難就易輕率赴陝致川省多股賊匪無人督辦是以降旨詢問今據奏稱現在移師川東會剿並未一陝稍慰廑注但閱所奏各情節祇係賊匪股數

竄聚地方及移師會剿緣由看來德楞泰近日未
經與賊接仗時當溽暑卽京城尙覺煩歎軍營自
必較甚其未能打仗殺賊亦係實情朕不加之責
備德楞泰並不虛詞敷衍入告所奏轉爲得實計
此旨到時已屆秋涼又無雨水無可推諉急宜奮
力進擊趕緊剿辦目下川北各股賊匪商議欲向
川東擄掠尙未竄往德楞泰尤當乘賊匪窘迫計

欽定四庫全書
欽定平定回疆方略卷一百一十五
三
謀未定之時速行設法剿擊以次殲除本年川東

地方收成較稔現當刈穫之時斷不可令賊匪竄入致成熟地方遭其蹂躪且川省地方官協助官兵堵禦民情亦知愛戴較之陝甘湖北等省實屬遠勝德楞泰務須倍加奮勉齊心併力將各股賊匪卽於現在屯聚地方悉數殲除此時勒保自己與德楞泰會合該處賊匪分合無定德楞泰勒保

應如何帶兵追截或分或合之處惟在伊二人會
籌妥辦總弗任賊匪由川東闖入楚境及由川北
闖入陝境務於秋冬之交一律歲事不可再有延
玩至龍紹周唐大信兩股竄入西鄉五塊石一帶
尙在山內游奕朕已早經料及此兩股係由川境
逸出經陝省截剿難保其不仍折竄回川德楞泰
現派何人剿辦何以未據奏及卽龍紹周唐大信

等藏匿山內亦應設法轟出以便乘勢剿殺豈有
任其自斃之理倘秋涼後賊匪等又肆行分竄辦
理豈不更爲費手耶